

# ‘O Cummannante po... po !!!

*‘Mmiezò sant’Ata nce sta nu palazzo  
addò nce stanno famiglie assaj chic,  
però azzecato, int’a n’ ‘a n’atu palazzo,  
nce sta nu vecchio ca spisso va in tilt!*

*Quanno s’affaccia a copp’o balcone  
allucca comm’ ‘a nu prerecatore;  
dint’o ‘o curtile si vede creature  
‘lle vene ‘a smania e sbraitanno ‘lle fa:*

*“Già v’aggio ditto nu sacco de vota,  
dint’o curtiglio ‘un se pote pazzià:  
si v’ancoccia a jucà ‘o pallone,  
mamma mà, che me fido e cumbinà ?!”*

**Po po... po, po  
io già accumencio a tremmà!  
Po po... po, po  
‘o sangue me sento ‘e squaglià!**

*Dint’o curtiglio ‘e sti dduje palazze,  
guaje a chi allucca e se mette a pazzià  
nu manifesto azzecato int’o muro  
dice ca ccà “chesta legge” nce stà.*

*L’hanno voluta ‘e patrone ‘e rimpetto  
e ‘na delibera apposta nce sta.  
Chi vene meno e contrario se mette,  
‘na citazione se vede arrivà!*

*‘O juorno doppo int’o stesso curtile  
n’atu cartiello diceva accussì:  
“E creature e chist’atu palazzo  
a ccà dinto nce ponno pazzià!...”*

**Po po... po, po  
vedimmo chi adda tremmà,  
Po po... po, po  
guagliune turnate a pazzià!**

*Ma stù signore ‘e copp’o balcone,  
sentite a mme comme vò amministrà  
‘o coprifuoco pe’ tutt’ ‘e famiglie,  
però pe’ isso ‘na legge ‘un nce stà!*

*Tene nu cane ca ‘o ffà pe’ dispietto,  
dint’o curtiglio ‘lle piace ‘e piscià;  
p’o fa contento ‘o patrone ‘a matina  
pure ‘stu sfizio le vò fa passà.*

*Tutta la gente affacciata o balcone  
exasperata lle dice accussì:  
“Questa cosa mio caro signore,  
non sta bene e perciò nun s’adda fa...”*

**Po po... po, po  
‘stu cane ‘un se po’ suppurtà;  
Po po... po, po  
va vide addò ‘o puorte a piscià!**

**Po po... po, po  
‘stu cane a chi vò cunzulà;  
Po po... po, po  
ambressa te faccio chiammà!**